

T 3224/9660.83

7

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY

MAR 6 1947

寓賢

流寓附

哈佛大學漢和  
圖書館珍藏印

修士為善於鄉尚足以息囂起靡况名賢過化  
理學薪傳教澤至今未泯也古邑自宋儒避地  
至止而詩書道德之氣洋溢溪山偽學之禁適  
以為玉田人士向學之資耳雖僑寓不過三人  
而此三人者伊何人哉志寓賢

宋李侗字愿中南平人子友直登紹興丁丑進士  
授鉛山令與朱晦菴先生為友時禁偽學遷寓  
一都谷口小蠻子孫隨家焉



朱熹字仲晦新安人慶元間韓侂胄禁偽學逆  
寓古田宗室諸進士與其門人構書院延而講  
學所寄寓附縣治者扁其亭曰溪山第一往來  
於三十九都徐廖二大姓嘗書大學戶庭中庸  
閩奧文章華國詩禮傳家螺峰浣溪杉洋諸所  
皆其遊息而訓誨也文公嘗曰東有余李西有  
王魏盖自紀其衆樂云

黃幹字直卿閩縣人亦以偽學之禁寓九都族  
人家與朱晦菴先生講道論德悠然也文公書

其讀書處曰螺峰書院

### 流寓

明

徐燧字惟和閩縣人嘗偕其弟燧僑寓古田  
與布衣林春秀友善賦詩贈之名山古

刹所至皆有題咏  
迄今墨跡猶存

黃周星字九烟江寧人丙戌後避地古田主鄭  
工部家凡高人韻士之與鄭善者詩酒

皆得歡洽獨變姓名曰田吉生鄭亦目笑存之  
忽一日語鄭曰三日後當有迹吾到此者吾其

別汝乎賦長歌一章鄭倚聲而  
和遍視諸友隨焚其稿尋遁去

董養河字叔會閩縣人鼎革後偕其子謙吉僑  
寓古田工部主政鄭之特家之特延為

子姪經師每酒酣劇論談及先朝附璫悞國諸臣輒為髮指

國朝

曾祖訓 字惟久侯官人尚氣節不樂仕進日共

茂榕詩酒相歡遂寓居古田之奇龍村碩影獨酌慷慨悲歌邑人施松齡師事之

方瑾 字瑜友侯官人寓居黃田落拓不羈結

娛晚歲浮查海外日本高僧遺以千金行至天台隨手散給而囊已空矣歸指架上萬卷書謂

其孫曰守此便是我最富家業也子兆蕙諸生工詞賦先瑾卒其女亦能詩

孝義

嬰兒哭母失其常聲閭里為之罷社兄弟悔心

完其故我草木為之載榮至性之所感微矣哉

孝友之政起于家庭相觀而化遂成風俗囂凌

詭諛之風吾知免矣志孝義

宋

李友直 字直之以詩書禮樂教授鄉里無貧富

事繼母以孝稱

明

李

壙

性孝友居母喪不御酒肉者三年弟求分異壙不忍聞面壁而臥弟因悉取膏腴田以自私而類磽确者為一券以付壙壙曰已均矣受之終身不言年八十二

廖文子

字子武父歿事繼母以孝聞飲食必躬親姪少孤撫之如已子以已增置產業

分姪與其子均鄉人服其義云年八十二

陳

鉛

字志用早喪父事母有孝聲嘗挾貲出遊道出臨清有女艷姿容私奔就之竟弗納後貲產益饒恤寡贍貧賊過其鄉而不掠義所感也性尤喜典籍耽稼圃公庭之訟至老未嘗聞焉有司以賓筵請謙遜再四而後就人益高之年八十九

陳

杲

字元旭以貢入太學為上舍生旋以親老辭歸屢徵不起正統間舉純孝

林文達

字壽山諸生父邁疾每夜焚香告天願減已算以益父齡成化二十一年淫雨

大水度父柩不可徙乃以布繫柩于梁水溢而布裂挺身抱之與波相出沒既而人柩俱全咸謂孝感所致

張

炫

祖母陳氏病割股其父大桐病復然二病俱瘳萬曆間事

林逸夫

春秀子年十五祖母甘氏病割股和藥甘氏少蘇越三日甘氏病篤復割其舊

剗處深入寸許筋露血併暈痛幾絕萬曆二十六年事徐燧為立傳

周志言

字行宇幼失怙家貧母寡復櫻篤疾藥不能療志言燃臂香祝天請代並割股

和粥以進母疾以瘳如是者再邑令孫繼祚為之傳

林宗梓

性至孝母病親為滌廁踰慷慨好施與三黨中待以舉火者甚眾

卓飛龍

字雲舉天啓間諸生性篤孝家貧竭力以供甘旨族黨亟稱之其次女年十四

割股以療母病論者謂孝子之後乃生孝女  
 蓋錫類之不爽也諸當事咸給扁以旌之  
 林萱 字北堂少失母賴祖母以活及長事繼  
 日輒悲思哀痛而不能食一夕讀書至夜分聞  
 人聞哭聲哀甚疑為繼母所苦問之萱曰偶閱  
 陳情表不覺感傷耳

國朝

陳弘祖 字子振明貢生性至孝以父應元謁選  
 卒于京馳往扶櫬歸途遇黃河決同舟  
 盡沒獨無恙宿旅邸中夜心動出戶牆頭正壓  
 宿處同行陳某者以選拔入都為騾夫所害而  
 弘祖之騾夫及小心防護殆孝行所感屢獲神  
 祐嘗手輯周易圖解子姪孫曾俱舉于鄉年七  
 十三兩與賓筵愛國朝  
 封誥孝德之報時稱極盛

林雲蒸 字爾蔚諸生幼時山寇至以祖母老且  
 我勿傷祖母賊義之反調以粟曰  
 此孝孫也慎勿加害年六十六

吳文進 字郁甫孝友性成父臨歿囑曰吾有子  
 以勤儉成家若更能推與兄弟吾死瞑目文進  
 承父言即分腴田廈屋以與兄弟族黨稱之

盧朝鼎 字爾鉉稚年值歲饑與弟天德負米山  
 側寇感動乃捨之父獻瑞以藩椽謁選適耿變  
 逼脅受職不屈朝鼎請代父囚忍被拷掠以全  
 父節母吳氏耄年嬰篤疾朝鼎嘗藥嘗糞禱  
 以冀病痊遠近稱其純孝雍正三年旌表祀忠  
 祠

林首運 字開而諸生父常登丁耿變偽令脅使  
 受職不從致之獄首運年甫十二見祖

母與母日夕號哭因忍淚而請曰兒其携橐餼以舖父乎遂行自浚喬至縣城往返六十里晨出晚歸歷三閱月及逮至省復入獄事之目擊拘繫之慘泣謂獄卒曰吾父若斃于刑小子何以生為獄卒亦為所感而寬其禁王師下放歸宿因關破廟中適遭流寇數十人欲刃其父首運哀求願以身代賊義而釋之年八十三卒著作載藝文

徐上鴻 字克儀處士性至孝甫十歲甲寅耿變與父承銓避亂鴻為賊所獲拷招父匿

處堅不言惟號泣求以身代賊義而釋之

戴長蕃 字振朝性孝友事繼母顏氏陳氏先意承志繼母愛逾已出族黨有不順者恥

見其面疎財重義有鄭姓者負其責鬻女以償蕃不受仍添金使贖之耿變吳金二寇入城高其義過門不忍掠嗣寇以拷餉拘其第四子久偉其第五子久佺見兄偉善病潛以身代偽官

憐其年少而悌不忍加之刑其第三子久倬又以弟佺年少請代偽官欲試其真情比甚酷兄弟爭刑偽官為之心惻後又嚴提長蕃其長子久任挺身代囚三年歷受重刑至喪明而不悔幸王師至諸子得釋邑令董允憚聞之旌其閭曰孝友一堂

陳嗣興 字維侯幼孤事母至孝家業為長兄耗盡所餘復推與季弟獨力養親終始與

昆弟無間言性警快善排難解紛邑有被人脅以陰重事者橐金求解為之悉力調停事獲已還原金封識宛然彼感其義願分半以謝弗受也歲饑市米歸遇告匱者分半給之邑耆宿問曰人咸以長者推君何修得此答曰吾惟平心而已問者瞿然曰此最難年四十不與試一經課子後以壽終

丁名震 字奮臣甲寅耿變偽令囚其父正昌於獄拷餉名震年十五與家人訣曰吾安

忍老父受刑此行勿以我為念遂攘臂至署大聲疾呼曰願以身代父受拷命許之身被拘繫五閱月始脫于難

鄭又均 字東平諸生天性肫摯年九歲父祥鸞弟均對以學為君子即自學為孝弟始父異其言及父亡家徒四壁母邁足疾均朝夕抱持躬代梳洗十五年如一日凡母所嗜物雖遠必致之母卒哀毀骨立年七十朔望瞻拜淚猶涔涔下也族黨嘉其孺慕之誠為狀其事於邑令請旌表均愴然力辭事遂寢

藍光宗 字顯斯性剛直笑言不苟戚族有過舉奉事母必勉致甘旨遇母疾雖家人環侍輒躬親藥餌不少懈年四十失妻有議續配者力拒之誓不再娶晚歲有棋癖每手談至夜分精神愈健嘗曰昔林和靖妻梅吾其與楸枰偕老乎

及卒司訓徐公輓以詩云直堪砥俗生無愧義可扶倫死有聞蓋實錄也

周垣 字颺廷性至孝家貧困關離邑百里每日歲試嘗為負擔至困水耐勤積苦家亦漸饒有田數頃分其半以予弟兄季弟早喪孀婦幼姪撫恤備至卒年七十有六里人追論其生平孝友不釋口因取書君陳篇語而私諡以友于云

林上穎 字若愚少失怙事寡母以孝稱母病不鄉里奇之友于其弟白首共爨無間言上穎財產不踰中人而戚鄰婚喪多所飲助年七十六臨死猶以行義好施訓其子姪

王浦 偕族兄樵于山兄為虎所攫浦疾呼以所獲薪連擲之虎不為動最後以鏹劔其鼻始掉尾去數十年後有程廣者與同懷兄負米山僻虎傷其兄廣奮擊奪之虎踵其後廣背負



死兄倒行數里至性所感  
猛獸悍服誰謂物無知哉

陳乾元 字乾侯性孝友家無擔石而拮据膏火  
以與弟讀書弟成諸生乾元食勤作苦

手置產業與弟均分白首共  
饗始終無間言族黨稱之

陳龍章 字九亭恩貢生孝根天性事母黃氏每  
食必躬奉甘旨一日母邁篤疾藥不能

療奄奄待斃龍章夜分焚香祝天願減已筭益  
之誠心禱告甚哀極痛暈絕於地忽有人呼之

醒曰爾母愈矣四顧堂中並無一人在焉及趨  
視其母則神色頓爽語言復故次日果痊人以

為積誠  
所感

姚國勇 字克剛耆碩應雲之次子也兄國重弟  
國詔皆異母所出國勇事繼母如親母

曲意順承分爨後國詔貧乏將母吳氏膳田陰  
典於鄭家國勇即具銀贖回吳氏晚得瘵疾心

腹數痛醫藥不痊日夜叫號國勇使妻魏氏坐  
繼母牀前朝夕撫摩其心腹問所欲食國勇輒

買供膳魏氏和以五味先嘗之必適口而後進  
如是者數年吳氏臨終謝曰汝二人克孝如此

死如有能吾必祐汝矣國勇卒年七十有八魏  
氏卒年七十有六生五子三在庠

藍倬勳 字翹公廩生素行孝友兼有文名生平  
見義必為遇邑中公事悉挺身率先有

外縣曾姓冒籍入泮案定邑士束手勳首唱僉  
呈列憲訊實改移府庠又有閩籍楊姓冒改姓

鄒府尊蔣列為案首及學道孫臨考唱名時勳  
跪稟詳明遂將楊氏卷用硃筆註冒籍係廩生

藍倬勳揭乃逐出場外府尊遣役特拏回話勳  
毅然無懼據理律辨論事得息此足見其好義

之大概矣生子  
五人在庠者四

Blank columns with faint bleed-through text from the reverse side.

文苑

漱六藝之芳潤傾羣言之瀝液文矣而文以載道亦憂憂乎難之雖然經天緯地代有幾人而詮經論史依於其性之所近讀書有得興會淋漓一篇一詠亦足以自豪也志文苑

五代

余

璿

字崑美一名賜仕南唐為左拾遺後家南劍之將樂以善唐律著名于時

宋

范得仁

元祐間官龍圖閣學士富吟詠世稱范學士詩

**李巖起** 字應求號休菴乾道中特科才高好學為時輩所推初尉政和調監臨安西酒

庫遷池州總幹乞致仕遂監安南嶽廟丞相周必大甚優遇之

**余發林** 字希董咸淳七年進士授崇安尉博學有雋才為文操筆立就聲稱盛于江浙

及卒門人彙其文為一集而名之曰愛梅

**余湜** 年十一賦詩送龍池廖先生沙場開講云沙場諸子弟小小盡晞顏迎我五經

筍歸來七島山朝遊松子洞暮宿惠人灣講罷西風裏扁舟早送還後登祥符進士嘗賦落花

詩有西母已回金殿冷綠珠一墜玉樓空之句

元

**陳亦言** 字汝納至正間父瓊為晉江鹽場官因家焉嗜學工詩不樂仕進所與遊皆名

士如蕭子五趙應嘉輩十餘人

**陳宏** 華亭同知知吳江州事著作載葉氏菘竹堂書目

明

**張以寧** 字志道元泰定中進士累官翰林學士洪武二年徵至京師命撰鍾山說稱旨

拜翰林侍讀學士知制誥兼修國史遣使安南未至國會安南王卒國人請授印世子以寧不

許使介馳歸請命璽書嘉勞御製詩十章慰勉之途中疾革作自挽詩云一世窮愁老翰林南

歸旅櫬越山岑覆身粗有黔婁被垂橐都無陸賈金稚子啼饑憂未艾慈親藁葬痛尤深經過

相識如相問莫忘徐君掛劍心尋卒交州詔迎柩歸葬給三歲祿卹其家以寧忠亮通敏嫻于

文詞宋濂嘗稱其集豐腴雄峭為一代奇作云

陳榕字希夷性穎悟過目成誦兒時應口屬益豪蕩不羈卒年二十有四

郭文涓字釋源號東臯性恬淡高曠善屬文以官邸五載蜀中有孝行清節之譽為父老致政歸養隆慶改元奉恩詔進階朝列大夫富吟咏詩入晉安風雅廉憲魏文焮者儒丁朝立為序以行世宗伯林爍見其集嘆云古田前有翠屏後有東臯貽詩贈卒年八十六

僕卿林經述兄爍語銘其墓

高鐘字鯨音號震野習博士家業良工獨苦歲薦授壽昌訓未竟厥用而死士論惜

之性和厚人多愛敬嘗綜歷代史評之而名其集曰評史

黃中字印坤延平教授品端方工詩翔紫陽詩社所作多選入晉安風雅

丁朝立字劍川工詩尤精書法與

周世椿字德懋號秀宇由諸生入列監任北京尋卒素右詩名以嵩陽名其集

鄭鐸字子警別號黃花主

魏埭字以肅性不善飲少飲輒醉醉則擊唾身不復出

魏煙字誠甫以選貢倅壽州終唐府審理長

畫坎壞不遇卒後詩文散失諸生張極為作傳輯其遺稿

林春秀字子實謝在杭序其集云數竒流落白首一經操劍悲歌氣填胸臆其詩學博

古日果言

卷之七 文苑

二

才雄氣宏理約操心深而寄興遠風度飭而神情恬至于歌行渾泓踈躑步伍不亂尤得初盛之軌徐惟和贈以詩曰何人能識醉中趣獨我許留身後名庶幾實錄

陳芬 字朝采垂老一 塵著述甚富

林 瀛 字元盛號古侗英六代孫攻制舉業嘗云物乙酉已登榜偶卷遺于地遂落副車末年以歲薦令昌化治有循聲是能以文章飭吏治者

郭 岱 字震東文涓孫以貢司訓海澄遷建陽諭儋州學正林瀛為之序其集仲弟嵩

諸生與同時張極齊名結西郊詩社余文龍器重之卒銘其墓叔弟微濟寧倅能詩季弟崑以貢授邵武司訓遷德化諭建學宮

修 文 廟 士 林 矜 式 卒 于 任 祀 名 宦

趙應際 字仲達諸生性豪爽與余文龍姚萬里友善讀書桂花齋二十餘載以詩文著

國朝

名

黃 龍 字臥菴初名農字逢年諸生喜談兵以所兼文武薦之甲申冬授副戎乙酉秋黃石齋督師檄龍統兵赴浙隨召還鎮建寧後改授京秩

出守蒼梧遷四川永寧道擢江西按察使龔鼎孳序其集以行世

林喬材 字世臣諸生邑西南有五華峰秀峭千仞秋時明霞爍爍可愛因自號秋霞子

與鄧述黃龍友善述尚氣節龍急功名喬材愛著述後述以幽憤死龍出守蒼梧貽書招之為

一往既而倦遊癖于書自經史以至天官職方兵農醫卜之籍不惜出薪粒資以購之觀其自

為傳嘗欲散髮于華山之巔縱觀烟雲變態以終其身而不可得也豈真有數存其間耶

藍鳳儀

字羽徵工詩善草書弱歲與黃龍友善

師日飲醇酒見人輒嫚罵于龍尤甚遂遭痰疾

疾草語龍曰我生平所作詩貧不能刻爾為我

刻之我父好客至賣祀田

爾為我贖之隨卒于京

陳山斗

字韓伯以貢任茂名令改順

郭如壁

字書府與弟如奎以文章相砥礪俱由

結六友社六友者同邑宋聚奎鍾鏞趙復

昌黃道光趙時昇也一時風雅稱盛焉

林首達

字上而諸生少時以孝友稱甲寅之變

代卒完父節父有田千畝昆季求析產首達不

忍無已乃與叔弟首運各取其瘠者七十畝以

供膏火餘悉分一兄二弟父所置屋亦讓而不

居年四十即不與鄉試卜築金井顏所居曰

隱軒掃軌杜門嘯咏自遣每當酒酣耳熱

伸紙疾書不假修飾集名鳴籟志真也

余圭

字告公文龍孫官光祿

寺署正性淡雅喜吟咏

林日詔

字子召諸生博聞強識疎財尚俠不治

筆而藏之

集見藝文

李斌

字青如諸生善聲詩與余祥智余元溥

黃應虬

字春李其壽余常吉李捷英

余琳

余升吉李光瓊余希禹結詩

社日相倡和極一時之盛事云

朱盖

字彦伯諸生善屬文尤長于詩與同時

事林喬材

俱以詩名

林荃

字元草諸生其母鄧逃之妹也能詩荃

不羈工詞曲喜交遊其舅述與高國定林喬材朱盖林日詔郭如璧結七子詩社荃與焉

鄭昌選 字旭泰諸生積書數千卷一字不遺有以故實問者必以不讀書嘲之或故錯

亂其說則原原本本聽者忘倦筆墨奇橫著有百聲截句千秋長恨歌迴文千字縱橫得百絕句陳清端

丞賞之

余天民 字作求諸生尚氣節甲寅耿變欲脅以偽職遁去遂入湖廣戎幕念一介書生

難以措手在楚三年無所遇歸築浴梅書室貯書數千卷以終老云

莊啓照 字東曉諸生家貧沉酣經史處世得老子退一步法於通鑑綱目有評其所作

雁陣魚陣諸律尤見膽炙一時自號棠國居士

陸鴻 字儀可諸生博學洽聞為文有奇氣一日可十餘藝詩亦洒然出塵其子萬寶

字金秋落拓不自檢好飲縱博淡于榮利每得句疾書旁若無人翁文達謂其有古俠客之槩

丁錡 字家鼎諸生少以文見奇于范忠貞為經師五十載從之遊者如林鳳岐林梓

林枚卓昂黃承祐黃金皆有文名

陳琮 字季壁超祚子諸生湛深經術於先儒註疏實能體會入微為文卓然成大家

讀書白雲寺中吟咏自得負二十載重名後之言詩文者無不知有桃溪先生同時陳蕙芳陳

潢高廷耀姜奉世陳紹馨翁維琰皆其詩友也

盧文達 字姬士朝鼎子恩貢績學勵行為敬業書院師課生徒一宗白鹿洞及籍溪教

法舉孝廉方正入京試司成第一其所為文皆足以羽翼聖賢經傳

余登年 字書升蚤孤刻苦讀書癸卯禮魁性莊重笑嚙不苟講學會城盛暑不廢衣冠

師範為三山冠深醇雅健文如其人

孫 譔 字和公諸生志行修謹始終不與外事博覽羣書于或問語類更融會條貫講

學四十餘載邑中名下士多出其門安貧守已不以升沉易其志云

黃承祐 字允吉善屬文癸巳舉人任歸化教諭卒于官 恩科

魏夢燭 字耿齋乾隆丁巳進士少嗜學家貧不能多致書每借鄰人書讀之如期即璧

人亦不厭求假庚子舉於鄉屢蹶公車有相者曰君有貴星無官星因笑而應之曰子不能必

我之官抑豈能必我之文耶勵志如初果登第者有洞雲草

翁文達 字兼卿丁巳聯捷進士歸家益肆力于富詩宗陶柳文學歐曾所作讀書八咏皆自

道其所得一時傳誦抄寫幾于紙貴洛陽

郭 植 字于岸壬戌聯捷進士善詩賦文詞博極羣書詮經批史以著述自任登第後

益自砥礪嘗作鰲峰山長兩粵制閩聞其名聘往粵東掌教四年成就多士才華富贍儀表魁

偉未及通籍而卒藝林惜之

金學奇 字雲溪諸生品行端方學問淹洽蓋遵其節毋袁氏教也當事訪舉優行首薦

學奇時稱不謬

陳層巒 字疊山諸生安貧力學詩亦深得唐人風味

何夢白 字玉澄諸生素善病家又酷貧閉關靜養冥心參悟為詩文獨闢町畦峭然壁

立與同邑卓于阡李士弘陳滌友善葉標元結凌雲社多一時名下士而此四人者皆與焉

余 瓊 字則能增廣生文龍之曾孫也十歲能文長工于詩為人剛方正直窮而彌堅



不狗時趨為多士所  
重年七十六而卒

鄉行

鄉里不檢之徒懵然罔覺聞長者片言甚於刑  
戮鄉黨自好祇以完吾修潔而已豈藉是以激  
勵鄉人哉匹夫慕義何處不勉而睦婣任卹究  
非朱家郭解所可同口語也志鄉行

宋

林德鳳字鳴岐性樸厚不事機智歲大疫惠心  
施藥賴以存活者甚衆年九十三世咸

稱為仁壽  
長者云

明

林

林 堪 字應舉布衣仗信義識權變邑向無城

周馬良構亂叅議魏榮知堪有俠氣令往諭以

禍福賊即解散嗣復猖獗御史王以旗疏請剿

捕經年弗獲堪奮身詣壘開陳

化諭馬良感泣歸命鄉井獲安

張 泗 字子文性高雅且善詩有自雪水挈妻

其孤又瘞客死之豁十有九樽拾遺金待其人

還焉公田為兄私鬻始終不道及其妻父病甚

潛納金子文袖後見翁有起色即以金還其子

亦不令翁知也鄰有屠獐欲甘心於子文解之

曰我有酒杯共罄之可乎其人為愧謝去隱箬

溪以吟釣終其身邑令楊德周欲延致賓筵以

耄辭不赴年七十有九

子極食餼有聲亦能詩

丁文湜 字本清其子與鄰樵採溺水死或言鄰

人推之喉聞于官湜曰修短有數竟無

湯 德 字慎齋貢生性端慤有

余 珏 居邑東路上村性長厚無私曲生平不

官不及斷者片言立剖毫無遁情邑令廉其實

予以竹板二使治一村之事後有不直者輒責

三十嘗自署一聯云有理有倫五百家

太平仙府非官非吏三十板公道衙門

林國模 字允範慷慨好施親鄰待以舉火者甚

因財爭鬪者捐貲為之排解有童子遺物反覓

不見泣于道歸以已物與之父俱以敦厚享

高年國模年九十有

六撰年八十有五

余克守 字秀齋天啓間修行于鄉恂恂長者讀

書外毫不干預他人壽九十三無疾

而終

林毓材字際亨有文名崇禎末天下多事應武

時有渠魁羅一劫掠無寧居守備官聞毓材名

委以勦賊機宜兵到即擒之邑城圯於雨戚然

曰邑無堅城寇來奈之何鳩衆飭工不踰月而

地者完邑令上其事于中丞曰此義舉也義與

城俱不朽矣旌之素任

徐通字閩田主簿慷慨任俠不吝解推性好

飲其家曰人言姑丈豪舉

余兆元字正復性端方有幹濟才人不敢以鄙

事干之遭時多難焚筆硯從軍於江寧

官校尉

林志政字明沙諸生性嗜書嘗築室以貯經籍

而謂之曰汝以我廩有餘粟箱有餘衣囊有餘

財乎不知我之所有僅此數卷書耳然我亦憐

汝為饑寒所迫至此尚有斗米備晨炊者汝其

携之盜慚愧謝去後盜改過自新終身感志政

德之

楊應鳳性慷慨好施與明末山寇蜂起西門一

砌造計百餘

文鄉人德之

鄭之特字子翹丙戌貢授戶部主事為人豪爽

年任俠尚義人以孔北海目之

國朝

丁正彦

字子明季邑屢有寇警正彦年尚幼

深遠

國初海氛未靖杖策從征以軍功任尤

溪教諭精鑒得士歸里後以里甲宿堂大為民

累力言于

葉厚秀

字向春順治戊子山寇作知縣甘體垣

邑賴以安授把總鎮杉洋村殘寇李君榮竊發

官兵捕之秀引蕙有功准以功加具題堅辭其

從弟伏祖亦入巢斬獲授千總歷官叅將康熙

甲寅耿變官山賊劫秀勒餉迫之行三男連艷

年十三賚銀遠涉浦城救父

以身留質賊嫌餉少竟遇害

丁垂嘉

字爾賓諸生需次州判甲寅耿變屢徵

大義安可妄以身許人耶遂匿跡

山居亂平好行其德取重鄉評

丁正奇

字特人由增生援例州同赴京考選值

耿變奔歸勤以偽命不應子光石字琢

臣諸生好施予歲饑減價平糶列憲以尊德

樂義額旌之其孫國學生大振克繼先志光大

先業曾孫國學生

泰來文學生儀來

陳鴻任

字飛卿俠氣過人甲寅耿變賊將吳安

邦臨城其弟安定以驍勇為先鋒攻教

場門任提鳥銃一發斃之賊憤攻城益急復連

中十數人賊喪氣退避後以內應南門城陷賊

大索三日任突圍走賊

陳隆亨

字其昌甲寅耿變吳金二寇臨城時乏

守禦之資隆亨將家存米數百石散給

烟戶人皆稱善

蘇景邵

字康生以孝聞于鄉有司給扁旌之饒

平膺旌獎  
年九十四

丁正昌 字世茂 恩貢輕財好施有負其責者  
鬻妻以償正昌聞而閔之捐金令贖回

後丁耿變被執刳掌燃  
臍不為屈時論韙之

丁先正 字君定任俠輕財歲歉設粥以活餓者  
仍施棺三百餘具半坑亭金坑橋皆所

捐造又倡建曹洋橋費踰千金歲久傾圮  
其孫曾復募捐修斯誠克承先志者歟

丁日輝 字伯玉諸生慷慨好施與凡鄉里有義  
舉靡不悉力殫心而捐修文廟明倫

堂一切磚瓦取給  
為有功於學校云

林大振 字德良諸生精研性理語類諸書為陳  
清端公所亟賞天性純摯構支祠置祀

田族人欽之善為人排難解紛里有構  
訟者得一言而釋由其信義有素也

黃銓 字肇昌邑諸生性惇謹睦族洽鄰弱齡  
出繼不忘所生最疾緇黃始終不惑其

說閭里化之  
人稱為長厚

趙長翰 字宗侯少貧以急于治生輟舉子業後  
以勤儉自勵家漸饒有負其借者稔其

窘迫輒取券焚之無德色獨力葬父不諉諸  
昆年八十子孫蕃衍人以為厚德所報云

林鼎發 字尹起家貧與弟鼎興共營生議受室  
日吾弟孱弱恐不壽宜為先娶素與清

軍局韓良厚良成關中貧無所措鬻園盡其價  
贈之良在戍未歸父死復為之殯人咸重其義

云年  
九十

丁名陞 字績臣需次州同性豪爽戚族中有喪  
葬婚娶力不能給者慨然助之平糶兩

次併捐社穀列憲  
有好義足風之額

高士明

字華東善事寡母友愛弱弟歲歉減價平糶年七十三兩與賓筵

丁名揚

字翼臣監生性友愛不私貨財族間有爭忿者片言立解兩值歲歉減價平糶

復捐社穀有司義之

張建烈

字承祐監生年十七父飛鳴兄諸生昌璜以族人命案事株累烈惻然請代繫

囚憲廉其實釋之兄弟皆好施與遇歲歉減價平糶族黨義之均以壽終

林為龍

字瀾友國子生使氣任俠見不平事即義形于色至有緩急雖傾囊無恡惜豪

放不羈醉歌縱飲

黃龍光

字啓見性平恕好行其德鄉族式之同懷弟早歿僅一幼孤龍光視之如子代

為婚娶且分產以給之

阮明武

幼習舉子業而於事多億中及家饒悉公諸弟輕財任俠鄰近有不平事得武

一言輒解釋

湯錡

字彝器國學生平生好朴而不好華尚義而不市利遇貧乏則賑恤之遇爭競

則勸解之慷慨好施其子國梅者是也

曾上倬

字煥可康熙三十年捐資拾造義塚十五處收瘞暴露屍骸二千四百餘又施

棺木以助貧不能葬者有司聞其事給扁獎之

鄒夢卜

字予徵諸生有義氣先是都圖徭役不均力為籲請勻派鄉人德之年九十六

子式廓字子眷增廣生亦年八十二

余姒年

字夏正國子生朴誠自矢或有以硜硜病之姒年曰嵇阮一流人亦是天分極

高者方做得來勉強學步徒失其故耳嘗自言勤儉二字不端在治生我輩讀書窮理非勤非儉則必貧困至于貧困欲為善則自苦欲施德則無資既有礙于已亦何益于人哉同時江南俊是其言

丁麟光 字瑞公國子生輕財好施親族待以舉火者甚多遇歲歉減價平糶人咸稱其義云

丁正強 字升亮諸生性篤厚父百宜八十七歲奉侍唯謹

丁裔 字克紹伯仲相友愛捐金施棺減價平糶鄉里稱之卒年八十有六

余殷年 字地正諸生狀貌雄偉仗義好施遇官民有急不惜傾囊以周之酷愛金石遺文收買數千卷暇則課子孫讀書且教以禮讓嘗曰積金不如積書而積書又不如積德也識

者驥之年八十一而卒

游源 字耀公國學生急公好義減價平糶以周梓里樂捐社倉以體憲志邑令嘉

其義贈以扁額年六十四卒

隱逸

一身之出處關斯世之盛衰人品至此尚已而  
 潔身高舉如管高士陶貞士者亦何可多得也  
 他如嘯傲烟霞棲遲巖谷雖矯然自異為宇內  
 一閒散人哉其視煩北山之移文倚終南為捷  
 徑其心迹則大有間矣志隱逸

五代

余

軒

一名球仕南唐李氏為尚書法曹以時  
 政衰敝解官歸杉洋村營別野以終其

身濬池沼植竹木嘗有句云煎來前社茶芽白  
 釀出新春酒味酸朱檻柳垂金縷細碧波魚躍



錦鱗班怡  
然自得也

宋

李仲通

先儒延平之玄孫也遷古田石平村性敏悟常泛舟江濱習釣為業自號秋江漁父及卒鄉人哀之挽以詩云久矣厭塵世逃名雲水鄉釣龍手中竹今付與兒郎綽有幽人致之

李子淳

字亨大仲通孫也性恬曠種竹一區開窓其中嘗曰竹圓而直勁而節煖不甚榮寒不改色外瑩內虛一塵不入似君子之無心不與時而浮沉者也時乎風生金玉之聲鏗然盈耳至于咏詩彈琴大有所助是以古人愛之予亦愛之而種之而友之因自號曰竹窓居士以高隱終

李元譽

字子貞以布衣召除國子學錄不起

明

黃童

字仲器永樂間以楷書徵入文淵閣繕寫大典書成例當拜官以母老丐終養後累徵不起

陸懋瑛

自號雲津樵者于天順成化間入山不出

五泉廬

明季有五人隱于此在當時問其姓名已笑而不答何況百年後乎邑人余天民詩云城北有五人明季之逸士國運當陽九因獨行其是道跡五泉廬終身遠城市詩酒盡餘年至今無姓氏

國朝

林東向 字育我有隱德不仕與高瑞伯郭中夫定世外交鄧九行稱其不效商山叟輕

履漢家廷

高瑞伯 以字行積學能文甲申後遯跡深山率妻子躬耕隴上有古鹿門風

郭彥 字中夫能詩以修城功撫按上其事賜冠帶以義與城存旌焉明亡不仕喜畫

石竹隱于嵩州

郭奇 字正夫諸生鼎革後不出與高伯容高希珍朱海望林世臣張愿甫包克繩林

祿中山居唱和結世外交

周鼎臣 字允輔諸生甲申後未與賓興卜築屏山之下扁曰修竹人家

### 藝術

業以泛鶩而荒用志不分乃凝於神蓋專家若是之難也承蜩斲輪會心不遠讀梓人種樹之篇即小可以喻大彼侈心浩博多岐亡羊迴首生平百無一就亦可以廢然返矣志藝術

### 明

林淦 字濟舟有書名暮年為豐城幕初為諸生貧甚其女于歸為真草兩簾遣之曰

此聊當奩具留之可濟米鹽也乃其婿不勝恚簾中物盡付一炬又嘗授經於東洋巴氏常以書投人亦無收藏者死後紙乃漸貴今顯德寺尚有一扁嗟乎人挾可傳之技當其世而失之

者獨一  
淫乎哉

林文富

字榮泉諸生善楷書尤工篆隸得秦漢古法

鄭文昂

字季卿太學生為瀘州判能詩善書畫時三殿大工委昂採木於蜀中著採木行為時所稱移家秣陵客死詩稿散逸年四十餘

國朝

曾元蔭

字首玉家饒園林之勝日與騷人韻士吟賞其間以貢司順昌訓行調臺矣以疾辭尋不起素善畫人最珍其月梅葡萄寧化李日省於時下水墨少所許可獨心折元蔭謂其有逸致

陳五鼎

字斯至諸生善醫有遠鄉人年七十有二疾危甚將星夜輿歸五鼎診視之曰

此人不特不死且可延十年越二日果無恙稔其無子勸之曰按公脉息當有一子苟娶妾遠鄉人如其言沒時子八歲矣著脉經八卷

陳疇

字箕臣歲貢生精岐黃術有一人素健重疾者人皆以為不起疇獨不然投一二劑即愈惟戒以節飲食仍臚其所最忌者使慎之終年數月後違其戒一見撫然曰茲不治矣果然其奇中類如此

陳蕙芳

字子蔚諸生工詩善畫而臨池尤得歐陽率更筆妙

張耀垣

字其範諸生精河洛數陳清端公建奎光閣使之擇吉範以四恩星臨度三星

屬文一星屬武是年壬午果如其言且云三科一停後科甲蟾聯至今有明徵云

鄒式金

字子度諸生精易卜庚午文戰後士人問卜者環坐聽獨有陳姓者廳上徐行

式金標著得履虎尾即斷曰陳

郭汾字星九諸生性瀟灑寓意

丁登墀字宸友國子生風流瀟灑月夜彈七絃

姚作桂字開香邑廩生有暮癖每翻譜下一著

亦清雋可喜有征婦吟云英雄萬里取封侯不

驚秋搗衣石上聲聲淚織錦機中字字

愁夜靜何人吹短笛分明一曲古涼州

陳仁字象賢諸生遂於醫診脉下樂獨善導

終子士弘太學生世其業

曾麟祥字昭伯高郵牧懋蔚之曾孫也幼習經

症能出獨見投劑立愈遠近延

請迄無虛日性好吟咏有詩集

張聖治字化齋國學生通神方闢繆病者輒給

藥不計資本素慷慨好施惠濟閭里人

稱爲仁術

仁術

列女

閨秀附

詩咏栢舟節也烈無聞焉厥後磨斧齒劍飲藥  
 投纆至水深火熱而不悔可知風氣道勁愈進  
 而愈上也完冰蘖餘生苦節可貞儼然處士稟  
 坤維正氣剛鋒不撓宛爾忠臣則鬢髮也而鬚  
 眉矣志列女

宋

唐璘母

璘以監六部門擢監察御史趨避不敢請闕母曰人言官好汝何獨憂璘曰此

官須為朝廷爭是非一拂上意或忤權貴恐重為阿母累母曰兒第盡言吾有而兄在璘拜謝

入就職後立臺百日切劘上躬盡言無隱  
 人謂唐介再見是其母之善教亦不可沒  
**利氏女** 父卒無他兄弟獨與母居厚家貨女之  
 從兄公謙一夕乘間殺其母盡挈其資  
 以去女逃匿得免誓必復讐因削髮為尼周歷  
 四方物色之忽得之處州湖南時公謙方擊毬  
 不之覺女走訴于州獲之守感其孝為  
 械送本州冥于法事在建炎紹興間

元

**林娥** 儒家女也時邑有建寇民皆避地山間  
 娥為強暴所迫露刃臨之不屈遂遇害

衆義其烈為  
 擒賊收葬

**陳氏** 名道回蔣國秀妻至正十三年紅巾攻  
 破縣治國秀被殺太姑蘇妙仁為賊所

擒道回號泣請代賊釋太姑執  
 道回欲汗之自刎死事聞旌表

明

**張門雙節** 賴氏名道慈歸張文孫生一清十五  
 歲而文孫歿道慈年二十九黃華亂

家毀于兵道慈確守其志及一清長為娶婦廖  
 生三子顯與埜而廖亡繼娶陳氏名道真事道

慈孝謹而遇廖子如已出道慈晚病痲道真護  
 持就牀不辭疲憊者逾十年既生子以寧十餘

歲日授之書夜則宿火至四鼓熱燈呼讀坐傍  
 觀之後以寧舉進士為翰林侍講學士贈道慈

道真皆清河郡夫人金華  
 宋濂為作傳稱二賢母云

**宋氏** 御史林英妻燕師至英死國難時收死  
 難諸臣家屬氏在獄中自經死世稱雙

節

**林氏** 陳致中妾致中初家于杭及知檀州娶  
 林氏氏故名家女初不知其有原配在

迨歸杭乃知為所誤遂告絕而事其姑克盡婦道後其兄以宣使自大都來浙訪焉林氏曰我人家妾尔何見為竟不出其堅忍如此後姑歿依其子貢士振祖振祖娶蔣氏官松江值亂兵掠郡城蔣有殊姿知不免投水死振祖感其節不再娶林氏為撫其子女終身貧窶無怨言

趙氏 名妙琉曾緝妻年二十五而寡生子萬甫週歲事舅姑以孝聞正統間寇亂賊執其姑趙冒白刃求代賊釋之既而家燬于火趙結草廬紡績資養姑疾割股療之事聞旌表其門

李氏 名妙貴縣學生鄧宗揚妻年二十四而寡生男灼甫三歲族人利其產諷之使嫁不從則奪其奴婢以逼之李曰身可殺節不可改也後以壽終

沈氏 名妙孟李拳妻年二十四拳歿子基甫週歲姑憐其少寡欲嫁之不從事姑益

謹基既長從軍觀海沈煢然獨居執節彌固縣令杜永濟每斷失節婦必令拜妙孟家以媿之

羅氏 名妙應諸生楊琳妻年二十一琳以事琳語之曰吾茲行未卜得生還否萬一不諱若將奈何羅曰君何出此言理非吾子乎後琳果死羅誓不易心撫理如已

出卒底成立壽七十八

朱氏 名仁厚諸生李修妻修延平李先生十四世孫也生子元氣甫兩月而身逝時

朱年二十一家貧勤紡績孝事舅姑後元氣與妻俱亡朱復撫孫長芳以繼李氏後事聞列憲旌之年七十

張氏 陳祚妻子歸甫三載而寡家貧無子矢志自勵年八十而卒

陳氏 名扁姑丁子文妻年十八于歸閱二載而子文卒舅姑憐其少寡欲嫁之陳指

古日鼎詩

卷之七

列女

三

天言曰未亡人非以二老在且從死者於地下耳何論他適及舅姑相繼亡喪葬如禮撫夫弟子章雖嫂而實母之後以壽終

秦氏 名瑞姑年十六為王松繼室甫三年而松卒松有二子長煥先松二載夭娶婦

陳氏 名蓮姑生年二十無所出而寡次煥娶婦陳氏名蓮姑生子輝煥亦早逝時蓮姑年二十九

哀傷逾節越三載而亡獨存瑞姑長姑二氏分雖姑媳年則相若互依為命以撫蓮姑之所出

冰蘖之揀三婦同之吳航司馬陳幼溪公稔其事遺一門三節歌

高氏 名蓮姑縣學生余元機妻年二十四而寡遺孤方兩歲日夜抱之哭謂非死者

一點血在未亡人何惜此身翁官廣文家貧甚始復反唇親揀井白以奉之恬如也

陳氏 名淑卿知事丁德崇繼室年二十五而寡破鏡一半納于夫棺以示靡它紡績

撫孤卒完名節子朝立有聲鬻序蓋母教也

周氏 陳九思妻二十歲喪夫遺腹一子矢志撫孤復亡孫亦繼天年至九十一節不

渝

黃氏 名瑚姑胡廷佑妻年二十四而寡撫一子文懷甫三歲弱冠補弟子員食廩餘

溯源慈訓 縣學交旌

林氏 名仕姑舉人魏焯妻年二十夫卒于京師甘守苦節立嗣以繼夫後卒年六十

有

李氏 名金姑余元佳妻二十四歲喪夫孀居苦守紡績自給撫二子成立次子亨節

廁名鬻序人 稱賢母云



曾氏 名願姑卓中行妻夫亡氏年二十有五

有水閨霜節之旌

魏氏 名德姑陳復陽妻年二十夫與翁連日而亡遺腹一子孝事寡姑備歷辛苦人

無間言

曾氏 名玉英陳應時妻年二十夫卒撫遺腹孤七歲而殤守節四十餘年縣學給扁

旌之

游氏 名德姑林田妻二十二歲喪夫無子甘貧守節立後嗣營夫墳年七十有八

羅氏 方伯羅榮女諸生陳時中妻生一女而夫死夫家無所倚歸父家守節猶子羅

一德早喪遺孤大綸七歲氏為之主持成立卒年九十

黃九姑 孝廉黃文奎曾祖姑也父亮生子衡與姑二人衡子河甫二歲嫂兄俱歿時姑

年尚未笄念河乳乳無依立誓不嫁以長育之厥後胤嗣蕃衍族人思其德祔廟不祧因謚為

義姑云

倪氏 名貴姑周于節妻夫以仕宦歿于京邸無子撫妾子如已出以節終

魏氏 名誠姑周世盛妻年三十而寡日夜紡績撫二孤以有成年七十五

王氏 周石屏妾侍巾櫛僅七載而石屏歿氏年二十有四雖舉一子尚未毀齒卒能

完節以終年七十

陳氏 名泰姑周世成妻年二十九而寡子志言母病割股節母孝子萃于一門閭里

榮之

翁氏 名成姑何應璧妻年十九夫死撫遺腹

遊泮十七食餼秉鐸福安蓋母教也崇禎十二年旌表

張氏 名嫩姑陳文聘繼妻二十五歲而寡子

文聘側室也文聘歿時家業消耗殆盡連年十

八又無所出甘與張氏共撫一孤煢煢相對各

勤紡績至老不衰張氏年七十

林氏 鄭一綸妻十八子歸二十而失所天無

紡織供羹粥者五十餘年

未立傳者附後

蘇氏 林濡妻

翁氏 何如德妻

易氏 戴應隆妻 王氏 名淑榮陳良典妻

游氏 名夏姑陳國新陳氏 郭祚綦妻

林氏 名貞姑武生 孫氏 名冕姑林時邦妻

國朝

周氏 名珺姑少聰慧從其父鳴韶授小學內

諒為女子當如是耳年十七適劉希賢伉儷甚

篤越二年夫以避役去會城邁疾氏聞信丐其

父為揲著得井之九二父以用汲受福解氏慧

心獨覺曰井潔不食為我心惻此傷心語也郎

不返矣計聞氏投溪赴井不死因絕粒父母懇

之哀曰兒不死須旅櫬歸撫棺一慟耳家人信

之防護稍疎自經死預作書訣別云死兒分也

望父母勿過戚早營一坏土與夫同穴也又書

一聯云謾言巾幗嬌兒女要學鬚眉烈丈夫點  
畫安詳于父夫必高擡一字神閒氣定邑令韓  
獻見其墨跡為  
心折下拜云

藍氏 鄭畿繼母也夫亡孀守命畿從師習舉  
子業每夜績苧伴畿頌讀畿入庠後常

令溫經書數作文字正月朔夜燃蠟燭於堂俄  
而僅存燭心畿以為不吉氏曰此出身之兆也  
是年畿應科舉已得高等七月忽患痢人皆勸  
其勿進棘闈而氏有吉夢強遣其子入場果得  
中時順治

丁酉科也  
黃氏 名尊姑郭聖昌妻姑姚氏以哭夫喪明  
數載矣氏晨舐之復明亡何聖昌卒矢

志養姑時父龍守蒼梧遣迎之氏曰吾去姑誰  
養者不得已當與姑同往同歸耳遂挈姑往父  
欲觀其志日演雜劇閉目不一睹復羅珠玉錦  
繡于前略不介意無已約取一二素潔者父知

其不可奪愈憐之隨任之川東至江右念姑風  
燭餘生不忍聽作他鄉鬼懇于父甲寅初春奉  
姑歸越三月耿變邑城陷氏貴家女且國色也  
邑從賊者導賊圍宅且致賊帥將委禽意氏匿

姑他所即自刎羣婢奪之各指血泔泔下氏曉  
之曰賊首心于我若輩明大義勿阻我不然我  
先殺若輩而後罵賊以死耳時賊已圍門急令

散金帛于樓下因得間縊死賊至見其布素疑  
非真喝二賊揭帕視見英氣勃勃賊神色為沮  
喪後擗帕二賊胥狂呼饒命七竅流血死數日

始至以首觸棺忽鮮血一縷諦視之姑頭面不  
損而漆棺固密而無罅也嗚呼異哉初氏之以  
矢節終也可以不死既奉姑依父所不因姑年  
老急作首邱計亦可一不死惟始終為姑至禍

變乘遂不可不死矣貞魂烈魄死後猶能誅二  
寇其視張睢陽之厲鬼殺賊何以異哉旌表  
黃氏 節烈尊姑之老祖姑也少敏慧知書適  
鄭文學年二十六而寡撫二孤長而皆

貧兄儒廷迎養之至八十九歲而終尊姑少與  
老祖姑處夙聞小學列女傳諸書故之生至死  
純從理義學問中來雖血性可與異姑並表  
天成亦由其教之有素也

李氏 黃國樞妻節烈黃尊姑之從祖母也年  
二十五而寡當尊姑自刎時羣婢亟持

之李氏之曰清濁分一刻稍遲求死不得爾等  
非愛小姐乃害小姐耳尊姑急自刎李視氣絕

抱之痛哭婢婦以縑衣進李却之曰取小姐之  
新布衣來殮未幾賊帥至羣婢走匿惟一老嫗

抱尸哭賊詰之曰小姐之叔祖母年八十一矣  
賊帥欽小姐節令黃家女眷未出者隨老太太

居樓上謹護小姐尸戒部下有登樓者死賊旋  
命殮小姐以華服李曰小姐遺命以布素無庸

此凡吾家所有若盡持去惟書卷勿攪也賊帥  
竟置之而去誰謂賊無人心哉賊退李號慟曰

兒得死所矣越十月李無疾忽呼取小姐手書  
列女傳來捧之一笑而逝噫既已完一已之貞

復能成尊姑之烈如李氏者可謂明于大義矣

陳氏 名懇姑王善謨妻甲寅之變氏遇賊被  
重劫後賊見其姿色欲活之適鄰婦亦

被掠為僇患者再四氏曰身可殺不可辱賊刺  
之洞胸無血但見白氣漫空而已噫既已自誤

復以悞人倉卒間如鄰婦者亦何可勝道哉

楊氏 高戴麟妻二十六歲寡遺孤二苦節守  
貞甲申戊子連遭寇變楊孳孤兒避之

山中兵燹後家徒四壁搦志愈堅嗣孫曾遊庠  
者六人楊年九十尚及見之其次子士亮娶媳

卓氏值耿變陷城即抱幼兒臨池曰此水可以  
縈吾身賊在邇不遑思舍其兒遂投于池中後

以救免而兒不復活矣卒時年八十  
一邑人士作雙節詩歌以志其事

熊伏姑 陳耀南妻年二十二而寡子幼時戊子  
山寇剽掠全家遇害氏襁負其子以道

列女

賊追及刃傷仆地賊悞為死乃取其財焚其屋  
以去氏旋甦聽子猶有啼聲匍匐負子至鄰村  
姻戚舍及長娶婦育孫六歲子亡氏與媳  
兩世耐苦節卒年八十二媳卒年六十

張珠姑 魏悖甫妻戊子避亂山中賊入山牽其  
手使行氏罵之賊揮刃以手抵而指墜

罵愈厲賊連砍其臂殛絕倒地賊以為死矣時  
有婢負氏男賊執婢去擲下嬰兒賊去久而自  
甦親人束于篋扛歸右手僅

存二指猶能績麻以壽終

江氏 名進姑魏學洙妻年二十四寡遺腹生  
男事姑撫子備歷艱辛康熙五十七年

表旌

彭氏 名金姑江詩雅妻年二十八而寡遺孤  
在抱撫育至成立孀居三十四載雍正

七年 旌表

姚氏 名務靜諸生陳天顏妻年二十八夫歿  
矢志撫二孤事耄翁未幾翁繼喪次孤

又蕩氏 備嘗艱苦訓長孤業光成立

入泮雍正十一年旌表入節孝祠

吳氏 丁任科妻二十六歲而寡矢志撫孤  
卒時年五十有五乾隆元年 旌表

袁氏 名正姿字瓊如叅政州佐女幼通女史  
長而能詩年十六歸諸生金棟十九而

寡時孤學竒方在襁抱家貧如洗外侮屢加氏  
茹荼集蓼歷二十三載撫孤成立為邑廩生卒

年四十有六著聞鵬詩草其母姨

許琴友為之序乾隆八年 旌表

鄭氏 名罕姑庠生周文昂妻十八于歸二十  
八而寡撫遺腹孤成立守節三十三年

乾隆十三 旌表

林氏 名勉姑陳希招妻年二十三夫死孝事  
翁姑撫孤成立壽七十四守節五十二

年 旌表

百目系志 卷之十一 列女

年乾隆十四  
旌表

周氏 名端靜陳德寬妻年二十二而寡撫二  
子一甫三歲一向在腹孝養老姑訓子

不以姑息子永燦名列鬻宮由母教也性嚴正  
始終不惑巫媪邪說守貞四十餘載乾隆三年

旌表

陳氏 徐極生妻年二十七夫死遺孤甫逾月  
誓以身殉因念三代一綫且舅姑停柩

未葬勉延喘息上營先壟下撫孤兒  
苦守二十餘載乾隆十一年旌表

余氏 名亭姑諸生阮明武妻年二十四而明  
武死撫孤鴻飛厠名鬻序守節三十三年

年乾隆十三  
旌表

甘氏 鄭子宋妻年三十而寡生子敬塔甫六  
歲矢志撫孤卒底成立守節三十餘載

乾隆十四  
年旌表

鍾氏 名瑾姑國子生陳玉才妻年二十七而  
寡無子誓死者再因念嗣續無人撫夫

姪為子嗣復短折再謀承繼哭子哭夫聽者酸  
鼻卒貞苦節三十餘載乾隆十二年旌表

游氏 名貞慧吳子畏妻有二子年饑子畏又  
染癘疾父母議嫁之氏夜半沉水死

江氏 名嗟姑聞酣妻夫死子歿殉節自縊死  
游江二烈俱居湖邊邑諸生林首運弔

以詩云平湖雙劍水水光何清虛偶來湖畔坐  
野老閒告余當年吳氏子有疾妻獨居窮簷蓬

歲儉久斷朝夕精燦燦前村兒積粟連山如多  
年燕不翼議娶育而離父母速婦駕活爾兼活

夫議金堅不破雲質亮不汗巧辭紛媒媪中宵  
忽沉湖流為嗚咽椒漿奠載塗流風數年後

復有江瑳姑守貞已三載委志在成孤篝燈理  
機杼餘照子讀書書韻奄長寂叔兮孰田廬田

廬非我願逝將去泉壚遠矚湖中魂妾  
行與汝俱至今湖前路行人尚嘆吁

張氏 名端姑陳勤經妻年十九于歸兩載而  
五月沐浴浴竟更衣自刎恐氣未絕以兩手鈎斷

喉根姑覺扶扉入見其以血手示人若求盥狀  
家人會其意進煥水盥畢合掌謝姑含笑而逝

時風雨雷電大作忽變酷熱為嚴寒顏色不變  
一生定力至死猶見氏其

側聞易箒結纓之大義哉

李氏 名櫻姑德化司訓方祚隆妾祚隆年八  
十一始舉一子大笑一日而逝氏以青

鬢侍鶴髮翁安命無怨撫孤至四歲嫡欲奪其  
志氏抱兒慟曰兒四歲可無須乳哺矣吾將從

翁于地下天不絕方氏兒當成

立遂自經死年二十有四  
陳氏 諸生陳國選之女許字庠生林大振之  
長子曰肅女名浣月以母夢月而孕故

也毋黃氏 江右觀察龍之姪孫女觀察有女尊  
姑當耿變破城勿頸死女見其遺像必拜道及

節烈始末則哽咽不勝情其節義蓋天性也曰  
肅死女年十八聞訃執義乞奔喪父不忍女感

憤成疾父欲延其生陽許之疾瘳察父終無歸  
林之意袖刀自刎家人趣視喉已斷尚手脫金

珥囑遺姑又囑以素衣殮殮畢即以尸歸林言  
訖而絕雍正二年旌表入節孝祠暨坊日林

氏池蓮開並蒂邑人士  
綴以詩歌名並蒂集

張氏 名滿姑戴天福之未婚妻也年十四福  
生母愛弗能割以溫言慰藉視息兩旬餘偵家

人防稍疎自經橘樹下橘葉盡落樹亦遂枯邑  
令聞其事旌以

未辨秉貞之額

何氏 名慈姑庠生游奇能繼妻夫死誓不獨  
生家人防之急忽憬然曰及吾身不為

夫管一坏土子幼他日未可知促命工作二

孫氏名錦玉丁又仁未婚妻又仁卒氏聞郎

二日自經死預作書囑兄弟善事父母

魏氏名瓊始鄭世獻未婚妻世獻死氏自縊

初氏父坦庠生善筮求婚者輒以筮不從而弗

諧至與鄭議婚筮得咸卦以為吉許速鄭迨女

殉夫死父咎其筮之不神噫瓊姑不當配他人

止當配死夫以成其名筮早知之矣豈得謂不

神哉氏父屋之西偏路旁有井邨中人得舉得

第則井先沸而鳴康熙間無聲久矣至雍正十

年六月鳴七月鳴八月又鳴人擬氏父必獲舉

孰知是年祗生一氏而能作烈女以證其祥也

然則烈女實由一邨之正氣所生其可輕乎乾

隆十七年旌表

丁氏名實姑年十六許配魏潤適潤邁惡疾

潤不其家示之氏不聽竟歸焉潤猶獨臥一室

冀其悔也而反之氏曰生死與俱吾志決矣後

有娠潤恐其染也藥下之弗克彌月生子潤尋

卒氏誓志孀守以壽終厥後子復生孫兩世竟

無恙人僉以為孝節之感云

蘇氏鄭昌運妻甲寅之變抱四歲兒赴池死

林氏名益姑年十九適魏應誌誌死氏年二

而自縊以救解遂伴狂迨年五十忽曰吾今已

成吾志可以無狂矣氏夫家貧甚有姪夢辰者

竭力養之後氏謂夢辰曰非得汝三十年養我

我不為梁下鬼亦為餓鬼耳苦節能貞卒時年

八十



章氏 名璉姑年十七適陳世昌二年寡遺孕生子事翁姑以孝聞翁病篤氏剜股肉

和藥療之時炎蒸剜痕不潰翁病亦尋瘳其孝感如此卒年七十有五

李氏 名矯姑陳作霖妻年二十八而寡一子僅五歲家貧如洗計已與孤不能兩存

也以粥哺兒已惟乞鄰家米汁啜之如是者數年及孤稍長備食于外氏稍得饘粥以終餘生

至四十五歲卒人怕餓死以李氏觀之餓豈足以怵人哉

鄭氏 名球姑丁名震妻二十五歲夫歿願以身殉因念庶姑在堂藐孤無托勉延殘喘勤紡績以資事育稍有羨餘輒以周宗黨之不瞻死之日受惠輩哭之有失聲者卒年五十八

有八

包氏 名章姑徐朝燦妻夫死氏年二十八撫一子向球娶媳王車姑奉姑極孝姑病

門人競羨之

蘇氏 名玉姑徐荷峰妻生子四歲懷次子方撫二子成立教以廣行善事遂罄產施棺修橋砌路刊感應篇勸人為善卒年八十預示死期

召子孫諄諄勸戒瞑坐而逝

高氏 名順姑庠生林春澤妻年二十四而寡方夫病時割股和藥泊夫歿毅然以栢舟自矢奉翁姑撫弱息中外無間

言邑令董允繹為傳以表其苦節

余門五節 張氏名秋使余時卿妻年二十八而寡其次子端士以瘡毒卒妻李氏名

申使年二十九時家產殆盡人皆以不得已之說勸之李曰餓死事小失節事大撫四子後次

子天肅死妻陳氏名富使年二十八長子天職又死妻李氏名勝使年二十八姑媳妯娌相依

又死妻李氏名勝使年二十八姑媳妯娌相依

又死妻李氏名勝使年二十八姑媳妯娌相依

又死妻李氏名勝使年二十八姑媳妯娌相依

又死妻李氏名勝使年二十八姑媳妯娌相依

為命孫登林復死妻李氏名勝使年三十一門四代四代五寡均勵志守節為時所欽云

朱氏 名惠姑陳鴻騰妻二十四歲寡無子嘗

姑將誰養身代子職者垂二十餘年雖茶蓼備嘗不悔也病不延醫曰李氏尚斷臂吾寡婦手

豈容男人診視耶兩世一身形單影隻堂伯陳鴻振憫其志而哀其窮也日給薪米以經記其

家焉姑卒朱亦尋逝年四十九

藍氏 名月姑張光治妻年二十六夫歿以婦

之成立督訓嚴逾父師為邑諸生計守節三十餘年乾隆十七年旌表

徐氏 名洪姑監生林夢鳳妻夫歿氏年二十

立夫姪孫以繼始終劬勞族黨賢之乾隆十六年請旌

余氏 黃芳人妻年二十八而寡孤峩甫八歲

家貧翁老晝夜紡績三十餘載喪葬婚嫁悉輟轉于寸心十指間其子峩能自立為邑

諸生教督之勤嚴于師傅尤為尋常巾幗之所難云

林氏 名純姑監生陳桂芳妻二十四歲而寡

治家嚴肅非周親莫覩其面性仁厚施棺施粥放生戒殺撫孤名熺

任華亭主簿年七十二卒

陳氏 名封姑丁經邦妻二十八歲而寡孝養

姑嫜紡績活孤兒誨之刻苦讀書以成父志卒時年六十三

陳氏 名典姑丁高光妻十七于歸十九而寡撫孤成立卒年五十九歲

張氏 名冬姑陳子所妻所病數載產業破耗氏十九歲而寡無子矢志靡他立嗣承

繼六十  
二歲卒

張氏 名滿姑余瑄妾瑄卒氏年二十五

林氏 名傳姑曾昌逢妻年二十七寡子幼翁  
姑年老生事死葬冰蘖自甘歷七十餘

年如一日卒  
時九十有八

林氏 名耐姑余魯若妻青年孀守  
藩司秦以節並松筠旌之

徐氏 名文蔭陳振常妻翁病朝夕奉事靡  
懈及篤密剖股以進人稱孝婦云

盧氏 名欸姑任正輝妻年二十九而寡子甫  
週歲後子又短折復撫其孫孀居四十

餘載

魏門三節 姚氏魏价人妻价人死姚氏年二十  
八子暉吉甫七歲及長娶吳氏名慈

姑生子世俊甫五歲暉吉死吳氏年二十六世  
俊娶莊氏名梅姑生子成基莊氏年二十九世

俊又死家徒四壁  
而三氏皆以節著

任氏 名英姑陳渾金妻年二十七寡無子矢  
志不二撫夫姪治策為嗣日紡績夜督

讀成其子為諸  
生卒年六十七

陳氏 名璋姑丁登苑妻二十七歲夫歿二孤  
在抱飲水茹蘖二十七載卒年五十有

三其子騰起聯起皆  
能樹立無負阿母云

黃氏 名雁姑曾鳴揚妻年二十八夫死子聖  
傳甫九歲及長娶媳李氏名金姑生子

方週歲而聖傳又亡姑媳  
二人苦節相依皆以壽終

謝氏 名申姑余樂侯妻年二十一子歸生子  
週歲而夫亡矢志孀守厥子又殤撫嗣

子以有成卒年六十有六

余氏 名祚姑丁正慶妻生一子慶卒氏年二十有七孀守四十二年敬事舅姑喪葬

如禮人無間言

鄒氏 名蒲姑陳業熺妻熺卒氏年二十有五栢舟自誓撫遺孤厠名鬻序且為舅姑

營葬艱貞四十二年以壽終

陳氏 名雪姑盧文璧妻年十九孀守子方彌月翁姑皆暮年苦志孝養年七十六終

余氏 名瓊姑主簿丁仕美繼妻二十二歲夫歿子方三齡矢節長素及子先成長娶

婦蘧氏懷孕三月而先成卒兩世孀守姑卒年七十有六媳卒年五十有四

黎氏 鄭天賜妻夫死子方週歲四壁蕭然矢志不渝雍正四年藩憲秦給節操可嘉

以旌之

李氏 名秀姑陳上試妻年二十四而寡無子以猶子承繼又早喪復立嗣孫訓督曾

孫輩相繼入泮守節完貞卒年八十四

藍氏 名儀姑諸生陳垂芳妻垂芳卒藍氏年二十七無子立夫姪以繼之又值翁姑

垂老生養死葬盡其道卒年八十二

陳氏 名聚姑林飛龍妻年三十而寡無子紡績奉翁撫嗣子如已出苦節歷二十餘

年

李氏 名亨姑余元珍妻年二十四而珍歿無子養姑立嗣年六十一以壽終

鄭氏 名斗姑貢生陳杏芳妻年三十而寡有子二成諸生矣相繼早逝撫孫二人孀

守至七十  
三而卒

阮氏 名慧姑黃掄元妻年十九夫死孀  
守孝養翁姑撫孤成立以完節終

施氏 名若冰貢生葉作輯妻年三十夫死有  
一子名大英氏奉父松齡教訓罔敢失

墜修婦道事姑孝子大英名列成均又早卽世  
氏加痛腸幾斷家本富饒獨以夫子年數不修

鬱惋無告若窮民抱恨以沒其姑包氏三十  
而寡所遭與氏同天之畀人不克全如此

薛氏 名莊姑徐偉元妻年二十三而  
寡撫二子成立六十二歲卒

姚氏 名勸姑徐任英妻夫死時子方七歲家  
貧守節乾隆二年以七十蒙 恩賞

周氏 名長姑諸生陳綱妻年二十四夫歿生  
二子次子早喪遺腹一孫孫甫三歲媳

隨亡長子年四十得癘疾生一子媳又死氏撫  
二孤既皆短折娶二媳又復淪亡悽涼酸楚五

十餘載卒年  
七十有七

陳氏 名佛姑丁元生妻早寡撫孤成立授室  
矣男復夭媳宋氏矢志不渝與姑俱以

終苦節

鄭氏 名邀姑戴正曜妻夫歿年二  
十八撫遺腹孤矢節終身

張氏 名堅妻十八歲夫死有遺腹孤  
撫之成立織紵度日誓無淪志

胡氏 名梅姑盧堯日妻年二十五而  
寡守節撫孤至八十四歲卒

張氏 名翠姑陳華生妻守節四十五年  
縣令趙弘煥以節比松筠旌之

陳氏 名秀姑諸生鄭士英妻年三十夫  
死托九歲孤于伯叔自縊而死

程氏 名藍姑許字江良俊俊  
歸江門守節奉姑以死

陳氏 名密姑卓名相妻年二十六而寡孝事  
七旬翁姑延師訓子子大謨孫憲蘇有  
聲庠序  
以壽終

李氏 名恭姑年十七適余元琇二十而寡  
男升爵方週歲撫孤守節三十年

鄭氏 名椽姑林國光妻年二十二夫死誓以  
身殉因懷身七月勉起視息及期產一  
男值大祥慟哭暈絕遂不起臨  
終以幼孤累老姑為恨嘔血死

林氏 名瑞姑黃政人妻二十七歲而寡家貧  
翁老且有外侮父母勸之他適氏截髮  
自誓撫孤子賢復早歿媳楊氏矢  
志匪他邑令以先後栢松旌之

余氏 名貞姑諸生藍恭思妻年二十七而寡  
孝事翁姑撫孤肇元廟名賢序計守節  
三十三年

三十三年

羅氏 名淑宜諸生丁盛妻年二十八而寡耐  
守冰霜歷四十年其媳盧氏亦以節著  
名翼燕陳之冠妻年二十四夫死無子

余氏 立夫姪為嗣孝養老姑後六載氏亦嘔  
血而亡有司旌以亮節清  
操邑人士哀詩章輓之

馬氏 黃啓朗妻早寡無子姑憐其少艾且貧  
甚勸之他適氏矢節不從雖做襦蒙體  
一飯不充  
處之恬如

林氏 名長姑許開岳妻十八于歸二十九  
歲而寡苦節撫孤卒年六十一歲

吳氏 名貌姑李世燦妻年二十二而寡遺腹  
一女上奉老姑下撫幼嗣三十餘年中  
水火盜賊艱苦備  
嘗卒年五十八

翁氏 名興姑丁文觀妻年二十七而  
寡事姑訓子守節三十九年

江氏 名秀姑 林端儀妻 夫死 家貧 矢志撫孤 以壽終

鄭氏 名恭姑 諸生陳秉鈞妻 二十五歲而寡 撫二孤 篝燈伴讀 後俱入泮 五十三歲

卒

李氏 名荆姑 戴久佳妻 年二十九而夫死 奉先克孝 裕後以勤苦節能 貞卒 年八十

有四藩司秦以德媿周姜旌之

劉氏 名玉姑 陳士明妻 連舉五男 二十八歲而寡 家貧守節 白首完貞 卒 年七十五

徐氏 名鶴姑 葉大英嫡妻 庶李氏厚姑生子 志高 選入國學 同甘艱苦 白首完貞

林氏 名福使 程綺勝妻 年二十四而寡 撫孤 昌鳳家 貧守節 卒 年六十八 後昌鳳夭

其媳吳氏亦矢志不渝

何氏 名永姑 陳邦賢妻 夫亡 撫一子 一女 耐苦節四十餘年

周氏 名端姑 周元祥女 為陳天佑妻 夫病 割股 夫卒 氏年二十有五 無子 年三十六

卒 永訣 夕猶以事姑不終為憾

林氏 名諒姑 周光宏妻 姑病 氏割左股和粥 以進 翁病 亦如之 年三十而寡 以完節

終

劉氏 名端姑 林應豸妻 三十而寡 撫子君健 屏南 駐防 諸孫濟濟 守節五十年 卒 年

十八

鄭氏 名淑姑 州同丁正奇妻 二十八歲而寡 事姑克孝 撫孤 光石弱 冠補 弟子員 卒

年七

黃氏 名璧光諸生銓女許字李鏊鏊母陳氏  
殉烈死鏊復夭折氏自盡得救不死聽  
奔喪積女紅葬其夫家三世性至孝父病割股  
時年十有三也十九守貞歷三十餘載孝節兼  
盡乾隆十五年  
年旌表

余氏 名燦姑阮鴻杰妻二十一歲寡生子紹  
蒼方三月辛勤誨督成諸生家遭回祿  
奮不顧身極老姑于烈焰之中  
奮不顧身極老姑于烈焰之中  
中節而且孝現在請旌

鄭氏 名正姑戴登科妻年二十七而夫歿生  
子方週歲執節撫孤家又被火冒死抱  
主攜男艱難辛苦歷三  
十二年現在旌表

鄭氏 名舜姑陳子亮妻二十六歲而寡  
撫孤守志白首完貞卒年六十  
陳氏 會淳生妻夫早歿撫一子昌遜甫二歲  
日則紡績夜則督讀成其子為邑廩生

年八十  
八而卒

吳氏 丁子元妻名莪姑早寡家貧  
如洗苦節撫孤卒年七十五  
汪氏 名宜姑林瓊瑜妻二十二歲而寡遺腹  
男撫成立後男復夭撫一幼孫現年八  
十有

陳氏 名孕姑翁維珍妻年二十八而寡無子  
撫嗣男文緒成諸生食餼竭力營葬置  
田為夫祀典  
現年七十

施氏 名貞年監生陳允芳嫡妻年三十夫歿  
庶楊氏生子異撰甫一齡愛逾已出氏  
素知書躬自課督異撰克承母教薦明經藩憲  
秦以孝節精純旌之嫡庶一心冰玉共潔施氏  
現年七十有五楊

現年七十有五楊  
氏年六十有八



卓氏 名懿姑包純齋妻年十八于歸夫病割股和粥以進病愈延數載而夫竟歿守節四十餘年

戴門三節 黃氏名縣姑戴光治曾祖母年二十三而寡無子立嗣承繼娶婦汪氏名敏姑年十九而夫死撫嗣子娶媳林氏名器姑年二十八又喪所天黃氏卒年八十有四汪氏現年七十三林氏亦五十歲三世皆以節著

陳氏 名招姑戴子紳妻二十二歲而夫亡困苦上奉翁姑下撫幼子喪葬婚嫁曲盡無憾現年八十有二

會氏 名續姑適庠生陳紹芳年二十四而寡奉姑以孝訓子以慈備歷艱辛現年七十有五

湯氏 名辰姑鄭名權妻夫病割股和藥以進疾為稍瘳延十閱月竟不起時氏年二十有八撫二子成立現年七十

丁氏 名渭姑陳枝攀妻年二十六寡男甫四歲撫養成立常恐翁以喪嫡過慟曲為解慰婦代子職終始不懈現年七十

王氏 名琴姑薛大衍妻年二十九而寡生三男長作梅娶媳陳昂姑次作楨娶媳李莊姑季作標娶媳朱巧姑三子相繼夭折姑媳相依一門四節

翁氏 名玉姑陳維南妻年二十一夫歿撫一子苦節耐貞現年七十有四

鄭氏 名玉姑王正侯妻年二十三夫歿撫一子復天孀守四十六載

林氏 名從姑陳子政妻于歸九載夫歿撫五歲孤紡績度日苦節三十五載

熊氏 名有姑丁齊榮妻早寡 矢志不渝現年七十

劉氏 名騰姑陳爾盛妻年二十六寡孤甫二 歲家貧矢志堅貞撫男長成現年七十

五

盧氏 名喜姑鄭為儀妻二十九歲孀居產二 子長五歲次遺腹矢志栢舟勤事翁姑

苦守五 十年

丁氏 名叙姑廩生藍枝春妻二十六歲寡育 一子青年守節舅浴庠生壽九十五氏

孝養不懈誨子元龍勤學 成諸生現年六十有三

陳氏 名助咏丁常光妻年二十四而夫死生 子方八閱月守節四十餘載現年六十

六有

卓氏 名畏姑廩生陳啓元妻年二十九而寡 撫遺腹孤長茂躬自訓督孝事翁姑喪

葬如禮有司以 節孝兼優旌之

張氏 名永姑諸生翁維璿妾年二十六而 寡矢志撫孤孀居四十載現年七十

姚氏 名永姑陳振盛妻事姑以孝聞振盛歿 姚氏年二十八子甫四歲苦守孀幃延

師教子其琳成諸 生現年六十有六

黃氏 名芳姑諸生林棟樹妻年二十七夫歿 撫子聯登列國學復早世媳丁氏名禮

姑奉姑訓子 亦以節著

陳氏 名雪姑諸生盧浚璧妻夫早歿生子方 彌月栢舟自矢歷五十七載如一日

李氏 名秀姑陳世德妻二十一歲于歸連週 年而寡孤僅彌月冰操自持現年七十

五

林氏 名淑姑陳廷獻妻夫早歿撫三歲孤苦節四十五載

施氏 名若碧林長燦之未婚妻年十七夫歿聞訃日遂欲身死叔母諭以徒死無益

乃歸其家守節立夫姪為嗣現年五十

徐氏 名秀姑陳仲光妻夫歿遺腹三月名矢志靡他現年六十三歲

陳氏 名釵姑謝懋柱妻二十四歲寡現年五十有二

陳氏 名梨姑舉人丁式邦繼室年二十六而寡式邦晚得子任順昌教諭七閱月卒

于署子纔五歲氏扶櫬旋囊橐罄空乃盡鬻衣服首飾僅得十數金易麻紡績度日撫孤長成

現年五十

張氏 名卸姑鄭東海妻年二十而寡撫夫姪為嗣孀居苦守二十餘載卒

陳氏 名招姑甘自桐妻二十二夫歿撫孤成立現年六十有二

藍氏 名運姑庠生陳澄妻年二十六而寡撫二子長模次楷諸生守節三十餘載現

年六十

林氏 名柔姑陳沂妻年十九沂歿無子撫夫姪楷為嗣課督成諸生守節三十餘載

現年五十

范氏 名要姑林棫妻年十八夫所天撫夫姪日輝為嗣堅貞守節現年六十有四

陳氏 名君健妻姑病籲天願以身代割股和藥姑愈而氏逾年已告殞矣

陳氏 名璧姑曾元嘉妻年二十九夫歿撫四子長發祥監生次裕祥成諸生皆氏課

督力也現年六十六

沈氏 名御姑魏時俊妻姑病篤藥不能治封股和之遂痊族黨稱其孝

倪氏 名莊姑陳所知妻二十三歲而寡守節四十餘載現年六十三

趙氏 名喜姑陳上賓妻上賓父母早逝賴其祖以存活氏孝事夫祖輒得懽心及上

賓卒氏年二十有九躬受外侮獨力支持撫孤長成課讀嚴逾師傅現年五十

卓氏 名蒞姑鄭敏士妻年二十四而寡無子撫夫姪為嗣現年六十有一

陳氏 名器姑盧元達妻二十八歲夫歿甘貧撫子現年守節三十六年

陳氏 名書姑李特簡妻年二十四而寡子甫週歲矢志撫孤葬其夫翁兩世卒年五

十有九

余門三節

李氏名初姑庠生余希旦妻年二十六而寡有子成琮甫二歲比長娶婦

李氏名良姑二十八歲而成琮歿撫幼孤鎮亦不壽婦黃氏名已姑三世孀守皆能以貞節共

勵為時所欽云

江氏 名醉姑丁文編妻年二十四而寡苦守四十二載訓子殿元成諸生現年六十

有五

張氏 名端莊庠生鄭東華妻年二十四夫歿守節三十一載現年五十五

陳氏 名齊姑丁登閣妻二十六歲而寡守節三十四載現年五十九

丁氏 名銀姑庠生朱亭妻二十五夫歿苦守三十四載現年六十

王氏 名纘纓藍常健妻年二十六夫歿撫八歲孤成立現年五十有四

林氏 名敬姑黃耀臣妻二十一歲而寡

黃氏 藍孫瑛妻年三十夫歿育一子

丁氏 名冠姑曾芝祥妻二十

彭氏 名桂姑陳枝梅妻二十

丁氏 名容姑陳朝進妻二十一夫歿撫

李氏 名賢姑卓仲謀妻年二十七而寡撫孤

李氏 鴻業有聲上舍孀守三十五歲現年六

林氏 名志姑萬安巡檢黃子良妻年三

李氏 名金姑徐四妻年二十撫一孤家

朱氏 張尊孝妻二十而

王氏 黃承重妻十八而

陳氏 名有姑姚國榮妻年二十四而寡家故

仲未幾又卒氏與媳婦饒氏苦

張氏 名錦姑蔣承禧妻二十二歲而寡上奉

五十八年孫曾繞膝卒年八

陳氏 名宣姑藍儼思妻年二十四而夫亡氏

諸生氏年五

徐氏 名院姑陳枝芍妻年二十九而孀守孝

十有四

蔣氏 名鳳姑 陳洛圖妻 夫亡時氏方二十四 歲孝敬翁姑 撫一子廷銓 今生五孫 現

年六十 有二

余氏 名淑巧 國學生丁詔 元妻 年二十六而寡

徐氏 謝日煌妻 年二十 而寡 守節三十載

未立傳者附後

江氏 陳人廉 妻

邱氏 陳人彥 妻

陳氏 名字姑 鄭 敬輝妻

陳氏 名蘭姑 包 祚挺妻

戴氏 名煥姑 池 宗洙妻

鄭氏 名鳳姑 陳 仲耀妻

周氏 名容姑 錢 明侯妻

陳氏 名瓊姑 庠生 張啓玉妻

吳氏 名長姑 陳 枝秀妻

陳氏 名勉姑 袁 汝弼妻

謝氏 名述姑 陳 于玉妻

周氏 程世宇 妻

陳氏 程上運 祖母

魏氏 陳觀翰 妻

郭氏 黃兆禪 妻

楊氏 黃兆栩 妻

蔡氏 許正鶯 妻

余氏 阮鴻儒 妻

鄭氏 黃登龍 妻

吳氏 鄭仲光 妻

劉氏 熊尚珍 妻

丁氏 曾元冠 妻

王氏 名齊姑 生員 游棟妻

閨秀

譚氏

鄭均德妻永樂中均德貢入太學五年不歸譚氏製鞵鞵併寄詩云細鞵官鞵

巧樣新慙懃寄與讀書人好將穩步青雲上莫向平康謾惹塵

姚氏

名鈐姑林某妻夙慧父故業儒口授女史及毛詩即解悟中秋詩云有水兩光

月無雲一色天咏瓶蘭云清瓷莫恨秋容淡稍有輕風便有香亦可以覘其貞正矣所適非偶

柳鬱以死詩散失不存

毛氏

名秀玉閩清人諸生林日詔妻能詩嘗賦妾薄命云莫笑予生薄命人與君白

首共安貧挑燈漫讀朱公傳誰道書能負買臣見閩詩選

余珍玉

字席人年十四咏竹詩云數竿菁翠遠垂陰清况偏宜小院深風掃庭前鳴碧

玉月臨樹裏伴瑤琴徑通南浦知根潤牆壞西鄰見笋侵我輩愧非稽阮客題詩猶憶舊時林女弟尊玉字其人十二歲即解吟咏咏菊有一聯云蒞合白種園中玉英落黃鋪徑裏錢二女刻有綺窓迭韻三山徐鐘震為之序

釋老

釋老之說汪洋恣肆不可究詰而其歸宿至虛無寂滅而止是率天下歸於無用者何關紀載哉而每爲歷代史冊所不廢亦見天地之大無物不容正人君子置之不論不議之列足矣必求爲之說而汨沒於其中何心哉志釋老

宋

僧行霖邑余氏子也幼慕空門太平興國三年自雪峰出水口遍歷叢林叅尋知識五臺羅漢



南嶽天台最後抵江表廬山歸宗法席遇柔禪  
師一言相契旋膺郡命住紫霄那含尊者塔院  
有打破虛空底鉗鎚喝散白雲底意氣播揚流  
傳郡牧方演命住五老峰之仙居洞洞故唐李  
鄴侯讀書處也開堂演法毳旅雲集真宗賜紫  
衣袍命號曰廣濟大師祥符三年真宗遣趙履  
信設大會齋於歸崇寺諸山長老登座敷演躬  
致問端言不相應奉旨命行霖住持入奏紫庭  
疊承恩澤賜田五十頃庄曰聖惠又有禪者行

懿發大願力於五老栽松十里左右各三行數  
逾三萬翰林楊億爲記樞密副使張仕遜奉勅  
撰院記翰林博士林陶撰田庄記史館學士查  
道撰語錄以後歌詩貽贈編爲五策目曰五峰  
集刊刻立碑年老上章乞退住持特賜紫印法  
眼禪師仍修舊職建崇壽塔於聖惠庄  
僧道臻古田戴氏子也十四歲削髮上生院後  
走江淮叅知識得宗旨於浮山一日行江上覓  
舟默計隨舟所之吾緣也問舟何之曰入汴因

載之而北謁大覺若夙契及覺歸吳衆請以臻  
嗣焉開法之日英宗遣中使降香賜紫方袍慈  
聖上僊神宗詔至慶壽宮說法衆問慈聖仙遊  
定歸何所曰水流元在海月落不離天上大說  
賜與甚厚卽相國爲慧林智海二刹命主之高  
麗使三僧來叅學得言下旨以去神宗上僊被  
詔至福寧殿說法賜號淨照禪師臻奉身至約  
一衲二十年無他嗜好獨請文與可掃墨竹於  
方丈之西壁曰使遊人見之心目清涼此君蓋

替我說法也年八十語弟子淨圓吾更三日行  
矣及期說偈跏趺而化

最樂寶壽寺僧古田人也上堂諸佛不真實說  
法度羣生菩薩有智慧見性不分明白雲無心  
意灑爲世間雨大地不合情能長諸草木若也  
會得猶存知解若也不會墮在無記去此二途  
如何卽是海濶難藏月山深分外寒

元

慧空獎山寺僧古田人姓蘇母林氏禱於真濟

顯祐劉神君祠夜夢神願爲子十年後歸宗母  
驚寤有孕以宋寶祐乙卯生因名神乞能言卽  
喜誦佛父母喪寓甌寧爲劉氏養子時正符十  
年後歸宗之夢聞人誦金剛經有悟年十五歸  
浦城明年受皈戒於卽心堂年十九聞建陽后  
山堂有海珠和尚往叅之後至萬壽寺禮普勤  
和尚嘗於建陽募刻法華經或謂不宜事此曰  
汝焉知終日喫飯不曾咬著一粒米乎大德庚  
子至政和之東平里中有池覺應性亦好佛與

言獎山之勝且曰此真濟顯祐劉神君示現處  
也卽悟夙因曰吾當返本還元於此山也覺應  
爲立菴一日入定爲大衆說偈三首四十餘年  
寄俗塵如今却顯箇中尊巖頭一夜東風起吹  
得花開滿樹春鐵船無舵亦無篷撐入金蓮性  
海中末後一機今說破白雲元不離長空大地  
山河覓無跡虛空撞破見端的縱教鐵輪頂上  
旋本性圓明常不失偈畢入滅時雲霧四合雷  
雨大作繼而火化自焚其身衆收靈骨建塔于

古田縣志 卷之七  
菴之西壁

項此舟修道於仙亭山能行雷法知人生死有  
薛姑者請往其家項曰我衲衣方洗未乾薛請  
益虔項乃仰天言曰借我一道日光晒衲衣頃  
刻日出一衲處其衣果乾日亦復沒時往來于  
東山崇真道院臨終雷雨驟至立化

明

李景晞字從心號丹厓子又號赤陽子愿中先  
生之十二世孫也弘治中隱居石平山庄著書

立言于玉液還丹之術尤所究心著有抱元內  
外篇盈數十萬言箋註金丹四百字深有玄解  
其宿山庄詩云半生榮辱已蕭然爲愛溪山結  
道緣松徑晝閒看鶴舞石牀春暖抱琴眠爐中  
白虎君臣藥囊裡青蚨母子錢萬事不干朝復  
暮清風一卷悟真篇秋日寫意詩云江西秋水  
碧連天衆妙門開玄又玄黃卷已拋經世業丹  
書不負此生緣饒饑白石和雲煮點易硃砂滴  
露研自剪修篁裁一笛試吹三弄赤松邊觀此

二詩亦可見其道術之大概矣

國朝

元徹字正暉白雲寺僧福唐林氏子也父夢僧授以傳燈錄元徹生因以命名具夙根過目成誦年十八雲遊至浙師東蓮和尚一日問徹曰如何是絕後再甦欺君不得徹曰當初只道茅長短燒了方知地不平和尚曰法南矣付拂子後回閩從困衆之請住白雲寺寺兵燹之餘中夜聞鬼號光怪百出徹不爲動怪絕自是千年

廢刹豁然叢林矣構白鹿精舍見陡險絕塵有終焉之志募建壽塔旣成偈曰吉穴原來不用尋岩前古樹密森森天然片石堪營塔滿目青山古到今

純悅和侍者邑人年二十二皈僧隨師出嶺北返白雲寺終日跌坐忽悟夙因三日前自卜塔穴謂師曰弟子告歸形骸瘞此遂沐浴立化倚壁不仆

時悟行者邑竹林人隨兄傭于白雲寺每自吟

哦聽之則師所授偈也兄回攜與俱忽悟云汝去吾祇在此中秋前七日指月曰汝圓吾不見矣十一日兄復來熟視之呼師曰吾將行奄然而逝年二十一  
從牧童監院福清人年二十七辭親棄妻子入白雲寺師知有夙根為落髮一日繪大殿笑謂眾曰吾昔夢山寺殿宇璀璨遽化鶴西飛吾化緣畢矣臥病後扶出大殿沐浴更衣看新徒落髮畢安坐而逝

藝文

萃一邑人文各抒寫意見千餘年中著述富矣必審慎登之志掛一漏萬何異窺豹一斑而九鼎之一爨也臚其名以俟汲古者之采取雖不盡經史子籍之必可傳而意之所寄成一家言其精神亦一時不能遽散也志藝文

五代余瓘拾遺集二卷

宋范得仁范學士集

林用中東屏集

林允中草堂集十五卷

林夔孫尚書本義十卷

中庸章句一卷

蒙谷集一卷

余偶克齋集一卷

程若中槃澗集一卷

邵景之玉坡集一卷

余發林愛梅集

林宗海妙玉集一卷

元陳亦言潛齋集

陳宏易童子問

易象發揮

林大寶文泰心言一卷

明張以寧翠屏集四卷

淮南集一卷

南歸紀行一卷

春秋論斷三卷

春秋春王正月考一卷

郭文涓亭帚集六卷

魏煥浣溪稿

陳必遂寐言集二卷

高鐘評史集

李景晞丹崖集十二卷

黃中江上草

丁朝立養恬居士集

周世椿嵩陽集

鄭鐸樵林詩選

魏珠醉墨集

余文龍史衡

史異

林春秀枕麴集

陳芹華麓山堂漫稿

林濂詞叢彙選八卷

郭岱彙古萃玉集二十六卷

郭嵩西竹坪小草

趙應際約齋集

高國定雪濤集

懶餘草

高奇醉餘集

周鳴鐸一草亭集

郭奇得得集

周鼎臣竹庵集

鄭文昂蜀遊草

陳起潛白雪樓稿

國朝黃龍臥庵集二卷

林喬材四書集說

禹貢註解一卷

秋霞子集四卷

陳光煥四書註解

易經摘要

曾懋蔚芸暉堂集十卷

陳山斗玉屑集二卷

桂園彙草二卷

郭如奎疑舫小草

郭如璧問青集

余圭挾仙樓集二十卷

林常登西河忠義錄一卷

林日詔達書四卷

四書集解

古邑志餘

玉田風雅四卷

臥梅集

江上吟

丁先聘覺園集

余羲年四書講義



李斌借雲棲詩集

聞詩拔尤

藍田風雅

朱葢剡山園集

臥一樓草

林荃放鶴樓詩集

鄭昌選半髡集

陳志阜易解

陳勤秉三傳釋義

陳勤宣周易本義輯解

六卷

約古集四卷

騷賦彙解四卷

文興探源錄四卷

劍南軒詩文集二卷

余天民浴梅小草三卷

楚遊集二卷

莊啓照棠園居士集

施松齡不是集十卷

陸鴻棠園詩草

丁錡四書講義摘要

陳琮貽書堂詩文集三

卷

白雲寺志一卷

丁任衡江天吟

盧文達禮記捷解

姚又崇榕園集

孫諤四書釋八卷

林第先四書拾遺

五經旁解

竹窓詩稿

卓昂孝經行義一卷

林首達鳴籟集二卷

余登年秀林文集二卷

林首運餐霞集二卷

陳嗣興四書疏義十卷

翁文周三傳訂訛 游夙龍白雲集 卷十卷

陳蕙芳石谷集 二卷 陳潢虞山集 文集二卷

陳紹興念庭集 林見龍四書疏意 卷

丁夢熊錦雲集 高廷耀古邑人物考

文峰詩稿 吳豐筆樵集 八卷

曾元蔭米山集 黃兆祇碧峰集

黃承祐翠和集 魏夢燭洞雲草一卷

陸萬寶屠龍集一卷 黃銓學拙集 詩文集二

翁文達古今名臣錄十卷

桃湖詩文集二卷 姓氏瑤林四卷

郭植十三經辨疑 二十一史辨疑

月坡集一卷 葉標元鳳山草堂詩文

集三卷 黃龍光草亭集

曾麟祥友雲樓詩集 陳層巒聽月集

何夢白月湖集 陳維人六石稿

陳亮案墨耕文集 林鳳岐四書會意錄

金學竒木蘭集三卷 庸菴文集一卷

金學晉木蘭集三卷

謝安文集

謝安謝靈運文集

林風如文集

謝靈運文集

謝靈運文集

謝靈運文集

謝靈運文集

謝靈運文集

謝靈運文集

謝靈運文集

謝靈運文集

謝靈運文集

謝靈運文集

謝靈運文集

